

2-§. Asosiy vositalarning kelib tushishi

7. Mulkka egalik, xo‘jalik yurituvchi yoki tezkor boshqaruv huquqi asosida xo‘jalik yurituvchi sub‘yektga tegishli bo‘lgan asosiy vositalarning qiymati korxona balansiga kiritilishi lozim.

8. Asosiy vositalar qiymati korxona balansiga:

a) kapital qo‘yilmalar tugaganidan so‘ng qurilgan ob‘yektga qabul qilish-topshirish;

b) ob‘yektga oldi-sotdi shartnomasi bo‘yicha xarid qilish;

v) ta‘sischilarning ustav kapitaliga hissalar;

g) tekinga kelib tushish (hadya shartnomasi bo‘yicha);

d) ayirboshlash;

ye) tovar-moddiy zaxiralar tarkibidan o‘tkazish;

j) moliyaviy ijara (lizing) shartnomasi bo‘yicha olish;

z) qiymati aniqlab bo‘lingan asosiy vositalarga kapital qo‘yilmalar;

i) ortiqcha (hisobga olinmagan) asosiy vositalarni aniqlash;

k) xo‘jalik jamiyatining ta‘sischilari tarkibidan chiqayotganda yoki tugatilayotgan xo‘jalik jamiyatining mulki ta‘sischilar o‘rtasida taqsimlanayotganda asosiy vositalarni olish;

l) asosiy vositalarga mulkka egalik, xo‘jalik yurituvchi yoki tezkor boshqaruv huquqini qo‘lga kiritishga olib keladigan boshqa operatsiyalar yoki hodisalar natijasida kiritiladi.

9. Asosiy vositalar aktiv sifatida tan olinganda ular boshlang‘ich qiymat bo‘yicha baholanadi.

